

General Enjart posjetio Trebinje

Ulaskom u NATO BiH će privući strane investicije



Enjart na sastanku s Čukom

Brigadni general Dejvid Enjart (David Enycart), glavnokomandujući NATO štaba u Sarajevu, jučer je posjetio Trebinje, gdje se sastao i s načelnikom ove općine Dobroslavom Čukom, s kojim je razgovarao o bitnim pitanjima za lokalnu zajednicu i prednostima koje bi ulazak BiH u NATO donio.

- NATO je taj koji će donijeti ekonomski prosperitet kroz sigurnost i stabilnost i to je dokazano u proteklih 61 godinu, koliko taj savez postoji. NATO ima pozitivan aspekt jer omogućava sigurno i sta-

bilno okruženje - izjavio je general Enjart.

Na pitanje kako mogu biti poboljšane ekonomske prilike u našoj zemlji ulaskom u NATO, general Enjart je rekao da postoji nekoliko korporacija, poput „McDonald'sa“, koje su zainteresirane za ulaganje u BiH, ali trenutno nisu sigurne u stabilnost, koja će biti osigurana ulaskom u NATO.

Enjart je posjetio i kasarnu „Bilečki borci“ u Bileći, gdje je posjetio jedinicu Oružanih snaga BiH, koja se obučava za vojnu misiju u Afganistanu. **P.M.**